



SIARAN AKHBAR

MAJLIS PELANCARAN

AMBD ACCELERATED LEADERSHIP PROGRAM (ALP): JUNIOR EXECUTIVE PROGRAM FOR JUNIOR LEADERS

Hari Selasa, 30 Rabiulakhir 1437H bersamaan dengan 9 Februari 2016M
Bandar Seri Begawan, Negara Brunei Darussalam

1. Autoriti Monetari Brunei Darussalam (AMBD) telah melancarkan AMBD Accelerated Leadership Program (ALP) pada Hari Selasa, 30 Rabiulakhir 1437H bersamaan dengan 9 Februari 2016M di Pusat Perbankan Islam, Kewangan dan Pengurusan (CIBFM), Bangunan ILIA, Kampus UBD, Jalan Tungku-Link.
2. Tetamu kehormat pada Majlis Pelancaran tersebut ialah Yang Mulia Awang Yusof bin Haji Abd Rahman, Pengarah Urusan AMBD.
3. Program ALP ini dianjurkan bersama oleh CIBFM dan Singapore Institute of Management (SIM). Program ini adalah program kepimpinan bagi pengurus-pengurus yang telah dikenalpasti berpotensi untuk menjadi pemimpin AMBD di masa hadapan. Selain itu, program ini juga boleh menilai pemimpin-pemimpin yang berpotensi dan seterusnya, meningkatkan kemahiran dan bakat kepimpinan dalam perjalanan kerjaya masing-masing.
4. Program AMBD ALP ini dibahagikan kepada tiga siri, dimana siri pertama program ini adalah *Junior Executive Program for Junior Leaders: Growing Leaders*, dan akan melibatkan 26 pengurus-pengurus muda dari jabatan-jabatan dan unit-unit di bawah AMBD.

5. CIBFM adalah satu entiti latihan dibawah AMBD. Sebagai sebuah Pusat Kecemerlangan, matlamat CIBFM adalah untuk menjadi platform pembangunan bakat insan bagi industri kewangan di Negara Brunei Darussalam dengan menyediakan latihan profesional dalam bidang-bidang utama seperti perbankan, kewangan, insurans / takaful, pasaran modal dan kepimpinan, pengurusan serta kajian profesional.

6. SIM adalah sebuah institusi terkemuka bagi pendidikan tinggi dan latihan profesional di Singapura. SIM mula beroperasi sebagai pusat kecemerlangan pengurusan pada tahun 1964. SIM komited dalam membantu para peserta meningkatkan aspirasi mereka menjadi realiti. Pendidikan berkualiti dan pelajaran berterusan adalah elemen penting dalam membentuk watak dan kecekapan pemimpin masa depan. Dengan itu kerjasama diantara CIBFM dan SIM ini adalah tepat pada masanya dalam mengembangkan lagi masa depan pemimpin AMBD.

7. Turut hadir pada majlis ini ialah pegawai-pegawai kanan AMBD.

Unit Perhubungan Korporat
Autoriti Monetari Brunei Darussalam

Tarikh: 30 Rabiulakhir 1437H/ 9 Februari 2016M
Rujukan: AMBD/COMMS/3/2016